



Broj: 05-50-1-2362/14
Sarajevo, 24.10.2014. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 24.10.2014			
Organizaciona jedinica	Klasifikaciona oznaka	Redni broj	Broj priloga
01-50-1-	15-70	14	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje– dostavlja se

Vijeće ministara Bosne i Hercegovine, na 110. sjednici održanoj 23.10.2014. godine, utvrdilo je Odgovor na zastupničko pitanje koje je postavio Mirsad Đugum, zastupnik u Zastupničkom domu Parlamentarne skupštine Bosne i Hercegovine.

U pritvku prosljeđujemo Odgovor radi njegovog dostavljanja zastupniku.

S poštovanjem,


GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2362/14
Sarajevo, 23.10.2014. godine

Mirsad Đugum, poslanik Parlamentarne skupštine Bosne i Hercegovine, na 70. sjednici Predstavničkog doma održanoj 24.07.2014 godine, postavio je pitanje slijedećeg sadržaja:

„Tražim da mi se dostavi cjelovita analiza i odgovori na sva postavljena pitanja u toku mandata 2010/2014 koja sam uputio vezano za temu upravljanja HA Buško jezero. Postavljam pitanja vezana oko ugovora, vlasništva i upravljanja hidroakumulacijom Buško jezero navedenim instancama. Ministarstvo vanjske trgovine i ekonomskih odnosa BiH i Vijeće ministara treba dati jasan odgovor čija je nadležnost i koji je put za izmjenu nepovoljnog ugovora kako bi se omogućila adekvatna naknada lokalnoj zajednici za korištenje kapaciteta HA Buško jezero. Postavljam i pitanje regularnosti pomenutog ugovora koji je sada na snazi a vezan je za upravljanje i vlasništvo HA Buško jezero.“

Na postavljeno pitanje, Vijeće ministara Bosne i Hercegovine je na 110. sjednici održanoj 23. 10. 2014. godine, utvrdilo sljedeći:

ODGOVOR

U toku mandata 2010/2014 Mirsad Đugum poslanik u Predstavničkom domu Parlamentarne skupštine Bosne i Hercegovine postavio je dva poslanička pitanja koja se odnose na hidroakumulaciju Buško jezero. Ministarstvo vanjske trgovine i ekonomskih odnosa je Generalnom sekretarijatu Vijeća ministara dostavilo prijedloge odgovora, a koje dostavljamo u prilogu i to:

1. akt broj: 06-06-07-3390-IV-3/11, datum 04.05.2012. godine i
2. akt broj: 06-06-07-58-III-1/14, datum 21.01.2014. godine.

Ministarstvo vanjske trgovine i ekonomskih odnosa je napravilo pismene konsultacije sa svim nadležnim institucijama na osnovu kojih je utvrđeno da ne postoji međunarodni ugovor između Bosne i Hercegovine i Republike Hrvatske o korištenju hidroakumulacije Buško jezero.

HA Buško jezero radi na osnovu slijedećih izdatih dozvola i odobrenja za rad:

- Rješenje – vodoprivredna saglasnost Republičke komisije za vodoprivredu SR Bosne i Hercegovine broj: 03-60-1/67, od 14.06.1967. godine, za izgradnju HE „Orlovac“ od 237 MW sa zahvatom voda na horizontu Livanjskog polja i Buškog blata, kojim se detaljno propisuju uslovi rada objekata;
- Rješenje Sektora graditeljstva i stambeno-komunalnog-gospodarstva, Ministarstva prostornog uređenja, graditeljstva i zaštite okoliša, Hrvatske republike Herceg-Bosne, Bosna i Hercegovina ur. broj: 10-V-475-02-8/96, od 06.05.1996. godine, kojim je dozvoljena upotreba izgrađenih objekata HE „Orlovac“, gornji horizont, na području Bosne i Hercegovine”;
- Vodna dozvola br. UP/40-1/25-4-134/09, izdana 23.05.2011. godine, od strane Agencije za vodno područje Jadranskog mora u Mostaru.

Pravo na korištenje prirodnih resursa regulisano je zakonodavstvom u oblasti koncesija u Bosni i Hercegovini.

Važno je napomenuti da kroz postojeće zakonodavstvo u oblasti korištenja prirodnih resursa (koncesija) u BiH nije jasno propisan način tretmana korisnika prirodnih resursa koji su pravo na izgradnju objekata i korištenje prirodnih resursa dobili prije donošenja ovog zakonodavstava.

Uređivanjem ovog pitanja kroz zakonodavni okvir stvaraju se pretpostavke za postupanje u ovom i svim drugim slučajevima ovog tipa.